



OHIKO GALDERAK

IKERTZAILE DOKTOREENTZAKO HOBEKUNTZARAKO DOKTORETZA-ONDOKO PROGRAMAKO LAGUNTZEN ESKABIDEAK AURKEZTEA, 2026-2029 ALDIA

Edukia

1.	Norengana jo dezaket nire zalantzak argitzeko?	2
2.	Interneteko zein nabigatzaile erabili behar dut eskabidea osatzeko?	2
3.	Zein erabiltzaile eta pasahitz erabili behar ditut?	2
4.	Nola funtzionatzen du BakQak?	2
5.	Nola lor dezaket BakQ?	3
6.	BakQ bat eska dezaket hirugarren baten izenean?	3
7.	BakQ dut, baina, ahaztu egin ditut pasahitza, koordinatuak.....	3
8.	BakQ edo beste ziurtagiri elektronikoren bat badut, non eta nola egin behar dut eskaera?.....	3
9.	Eskaera online betetzen ari naizela, arazo teknikoak baditut. Norengana jo dezaket?	4
10.	Akats hau azaltzen bazait aplikazioan: V90.comun.error.generico.....	5
11.	Nola ziurtatu dezaket eskabidea behar bezala amaitu dudala?	5
12.	Zer dokumentu atxiki behar ditut diru-laguntzaren eskaeran?	5
	Eskaera BERRIA	5
	Berriztapena	6
13.	Non aurki ditzaket erabili beharreko txantiloiak?	7
14.	Zein epe daukat eskabidea aurkezteko?	7
15.	Aurkeztutako dokumentazioaren zuzenketak	7
16.	Elkarrizketa pertsonalak.....	7
17.	Esleipenak.....	7

1. Norengana jo dezaket nire zalantzak argitzeko?

- Web orrian [doktoretza ondoko programari](#) buruzko informazio zehatz eta osoa aurki dezakezu; baita zure eskabidea osatzeko sarbidea, [aplikaziorako sarbidea](#) aukeran sakatuta.
- Herritarrentzako arreta-zerbitzu orokorra, Zuzenean Zerbitzua, da zure erreferentzia (telefonoa: 012/945-018000).
- Halaber, kontsultak, posta elektronikoa erabilia, helbide honetara bidal ditzakezu: zientzia.ikerкета@euskadi.eus

2. Interneteko zein nabigatzaile erabili behar dut eskabidea osatzeko?

Aplikazioa, Windowsen edozein bertsiotan, Mozilla Firefox nabigatzailearekin erabiltzeko diseinatu eta optimizatuta dago; doan jaitsi eta instala dezakezu ordenagailuan. Google Chrome edo Edge ere erabil ditzakezu. Aplikazioa ez da bateragarria Internet Explorer-ekin. Telefonoa erabilia izapiderik ez egitea gomendatzen dizugu, arazoak sortzen baititu.

3. Zein erabiltzaile eta pasahitz erabili behar ditut?

Eskabidea, osorik, era elektronikoa egin behar da; hortaz, horretarako nahitaezkoa da ziurtagiri elektronikoa balioduna izatea. Esteka honetan, [identifikazio elektronikorako bitarteko baliodunei buruzko argibideak](#) kontsulta ditzakezu.

Oraindik ziurtagiririk ez baduzu, [BakQ](#) eskura dezazula gomendatzen dizugu. Elektronikoki erraz identifikatzeko aukera eta administrazioarekin elektronikoki aritzeko aukera eskaintzen du. Ziurtagiri horrekin ez da euskarri berezirik behar.

Haatik, BakQ ez den ziurtagiri bat erabiltzekotan zure ordenagailuan [idazkidesktop](#) instalatu beharko duzu. Gainera, kontuan izan idazki horrek ez duela onartzen gailu mugikorren NFC bidezko sinadurarik (irradi-frekuentzia bidezko identifikazio-teknologia, NANaren azken bertsioetan eskuragarri dagoena). Kasu horietan, txartel-irakurgailu baten bidez konektatu beharko da.

4. Nola funtzionatzen du BakQak?

BakQ identifikaziorako eta sinadura elektronikorako bitartekoa da, identifikatzaile batek eta bi autentifikazio-faktorek osatzen dutena:

- Erabiltzailea (erabiltzailearen NAN/AIZ)
- Pasahitza (8 karaktere)
- Koordinatu-joko bat, 16 posizioduna, 2021eko otsailaren 2a baino lehen eskatutakoa bada; edo SMS bidez zure telefono mugikorrera bidalitako kode bat.

Ordenagailuetan, mugikorretan nahiz tabletetan erabil daiteke, edozein sistema eragiletan, eta ezer instalatzeko beharrik gabe. Gainera, BakQ bidez Bak ere erabil daiteke; baina, Bak erabilia ezin daiteke eskabiderik sinatu, horretarako BakQ erabili behar da. [Izenperen](#) webgunean identifikazio-bitarteko horren gaineko informazioa kontsulta dezakezu.

5. Nola lor dezaket BakQ?

Izenperen herritartasun-ziurtagiri bat edo NAN elektronikoa bat baduzu, online eska dezakezu. Bestela, aurrez aurreko arretarako 600 puntu baino gehiagotara joan zaitezke BakQ eskatzera.

Leku hauetara jo dezakezu BakQ eskatzera:

- Unibertsitateetara (bertako ikasleentzat soilik)
- KZ guneetara: Euskadiko udalerrri askotan daude KZ guneak. Esteka honetan, zure etxetik hurbilen dagoen KZ gunea bila dezakezu: <https://www.kzgunea.eus/es/centros>.
- Gizarte-etxe eta beste erakunde batzuetara: udal, foru-aldundi, gizarte-etxe eta osasun-zentro askotan eskura dezakezu. Kontsultatu hemen [BakQ eskatzeko-puntuak](#)

6. BakQ bat eska dezaket hirugarren baten izenean?

Ez, pertsona batek ezin du inola ere izapidetu BakQ beste baten izenean, ezta legezko ordezkaritza, tutoretza edo antzeko kasuak medio. Kasu horietan, ordezkariak bere BakQ eskatu edo erabili beharko du, eta ordezkaritza bere izenean gauzatu beharko du dagokion zerbitzuaren aurrean.

7. BakQ dut, baina, ahaztu egin ditut pasahitza, koordinatuak ...

BakQ-arekin lotutako kudeaketa guztiak kudeaketa-tresnen ataritik egin daitezke: <https://servicios.izenpe.com/jbbak/>

8. BakQ edo beste ziurtagiri elektronikoren bat badut, non eta nola egin behar dut eskaera?

Zientzia, Unibertsitate eta Berrikuntza Sailaren web-orrian sartu, lan-arloak-en barruan, Ikerketa Ibilbidean / Doktoratu-aurreko Programan. Sakatu "**Eskabidea egiteko esteka**" eta identifikatu zure ziurtagiri elektronikorekin.

Helbide honen bidez ere sar zaitezke:

www2.hezkuntza.net/e02a010PolCieUniWar/mantenimientosJSP/y44Login.do?idioma=eu

Ziurtagiri digitala

Erabiltzailearen identifikazioa



Onartu

Onartutako ziurtagirien zerrenda ikusi

Beharkizun teknikoak

B@kq sinadurari buruz.

Gomendatutako nabigatzaile

Optimizatuta



Beste erabilgarriak



Y44 - Ikerketa

Hortik aurrera, urrats hauek egin behar dituzu:

- ✓ Eskaera berri bat sortu.
- ✓ Bete ezkerreko menuko erlaintz guztiak. Erlaintzak bete ahala, honako hauek aktibatuko dira.
- ✓ Erantsi zure espedienteari eskabide-inprimakian zehaztutako nahitaezko dokumentu guztiak.
- ✓ Eskabidea elektronikoki sinatu zure ziurtagiri digitalarekin.
- ✓ Eskabidearen aurkezpen-data eta erregistro-zenbakia dituen egiaztagiria jaitsi.
- ✓ Eskaera «amaitu gabeko zirriborro» egoeran badago, ez dago behar bezala aurkeztuta eta ez du baliorik; nahiz eta datuak osatuta egon.

9. Eskaera online betetzen ari naizela, arazo teknikoak baditut. Norengana jo dezaket?

- Lehenik eta behin, Firefox Mozilla nabigatzailea erabil dezazula gomendatzen dizugu, aplikazioak arazoak sor baititzake beste nabigatzaile batzuekin.
- Arazoa ez bada hori, saiatu izapidea beste une batean egiten, noizbehinka, aplikazioa blokeatu egin baitaiteke.
- Halaber, Zuzenean Zerbitzura dei dezakezu (012/945 01 80 00). Arazoa ezin badute konpondu, zure deia Zientzia Politikako Zuzendaritzara bideratuko da.
- Sinadura elektronikorekin arazoak badituzu, jar zaitez harremanetan erabiltzaileen arretarako zentroarekin, 945 016 290/900 840 123 telefonoen bidez edo helbide honetara mezu elektronikoko bat bidalita: cau-izenpe@izenpe.eus

- Gainera, mezu elektroniko bat ere bidal dezakezu zientzia.ikerketa@euskadi.eus helbidera; arazoa zein den zehatz-mehatz azaldu eta errorearen pantaila-argazki bat erantsi beharko duzu. Zure NANA eta izen-abizenak ere adierazi beharko dituzu.

10. Akats hau azaltzen bazait aplikazioan: V90.comun.error.generico



Akats hori gertatzen da estandarrak ez diren karaktereak daudelako. Baliteke sartutako testua beste leku batetik kopiatu izana, adibidez Wordetik, edo ez-ohiko karaktereak egotea (zeinuak & % \$, azentuak).

Testu-koadroan zuzenean idatzita, beste leku batetik itsatsi gabe, akats hori saihestu daiteke.

11. Nola ziurtatu dezaket eskabidea behar bezala amaitu dudala?

- Aplikazioak, amaitu aurretik, sinadura elektronikoa eskatuko dizu, eta erregistratu ondoren, erregistro-data eta -zenbakia agertuko dira.
- Eskaera behar bezala amaituta dagoenean, "Aztartzen" egoeran ageriko da. "Zirriborroa aurkeztu gabe" ageri bada, amaitu gabe dago.
- Eskaeraren sarrera-erregistroaren egiaztatzea jaitsi ahalko duzu; gerora edozein motatako erreklamazioak aurkezteko ezinbestekoa da.
- Online inprimakiaren kopia bat ere jaitsi ahalko duzu, bete dituzun datu guztiekin.

12. Zer dokumentu atxiki behar ditut diru-laguntzaren eskaeran?

Eskaera BERRIA

Laguntza BERRI bat eskatuz gero, dokumentazio hau aurkeztu behar duzu:

- EAEn erroldatuta egotearen ziurtagiria, laguntza-eskabidea aurkezteko irekitako epean emana. Baldintza da gutxienez 2022/01/01etik (Ikerketa orokorra) edo 2026-01-01etik EAEn erroldatuta egotea (Ikerketa Espezifikoa). Horretarako, kontsulta egingo zaie Euskal Autonomia Erkidegoko Administrazio Orokorraren eta haren organismo autonomoen erregistroei, administrazio publikoen datu-bitartekaritzarako plataformei edo ziurtagiria ematen duen organismoari. Kontsulta hori kasu guztietan egingo da, salbu eta eskatzailearen oposizioa jaso bada. Aurkakotasuna agertuz gero, nahitaez aurkeztu beharko da kontsultaren xede den dokumentua. Aplikazio informatikoak ez badu dagokion ziurtagiria kargatzen, eskatzaileak egiaztatzea kargatu beharko du aplikazioan
- Doktore-titulua edo titulu horren eskubideak ordaindu izanaren frogagiria, titulua lortu den datarekin batera. Baldintza 2023ko urtarrilaren 1 edo geroago eskuratu izana (salbu deialdia

arautzen duen aginduan aipatutako kasuak medio; 25.5 oinarria). Aurkezteko azken eguna 2026/11/5a izango da.

- Ezarpen-zentroaren konpromisoa kontratua formalizatzeko, zentroaren legezko ordezkariak sinatuta.
- Atzerriko zentroan onartzeko (2027 eta 2028 urteak) eta proiektua baliozkotzeko dokumentua (atzerriko zuzendariak sinatua)
- Atzerriko ikerketa-proiektuaren zuzendariaren CVA, hark sinatua. OSO GARRANTZITSUA: soilik, jardueraren azken 6 urteak jaso behar dira eta horien urtea zehaztu behar da.
- Hobekuntza-programaren proposamen memoria, proiektuaren zuzendariak sinatuta (gehienez 6 orrialde)
- Ikerketa-talde hartzaileari buruzko memoria (gehienez 5. or.)
- Ikertzaile Talde Hartzailearen proiektuaren zuzendariaren CV normalizatua, hark sinatua. OSO GARRANTZITSUA: soilik, jardueraren azken 6 urteak jaso behar dira eta horien urtea zehaztu behar da.
- Ziurtagiria 2029an integratu eta 2030ean eta 2031an jarraituko duen ezarpen-zentroko proiektuaren zuzendariak sinatua.
- Eskatzailearen curriculum vitae.
- Bi erreferentzia-/abal-gutun.

Hala badagokio, honako hauek ere aurkeztu beharko dira:

- Tesi-gordailuaren egiaztagiria/Doktore-titulua aurtengo urrirako lortuko dela adierazten duen zuzendariaren eskutitza.
- Aginduan jasotako daten arteko etenaldiagatik doktoregoa lortzeko epea luzatu izana justifikatzeko agiriak (Aurkeztuz gero, tituluaren data 2022ko urtarrilaren edo beranduagokoa izan daiteke).
- Enbaxadako erregistro-ziurtagiria.
- Beste erkidego bateko errolda agiria.
- Egoitza-baimena Europar Batasunetik kanpoko langileen kasuan.
- Doktoretzako prestakuntza- edo hobekuntza-ikasketak egiaztatzen dituen ziurtagiria (EAEtik kanpo bizi bada)
- Eskabidean jasotako erantzukizunpeko adierazpenean jasotako baieztapenak egiaztatzen dituen dokumentazioa.
- % 33ko desgaitasun-maila edo handiagoa duela egiaztatzen duen agiria (Aurkeztuz gero, tituluaren data 2022ko urtarrilaren edo beranduagokoa izan daiteke).

Berriztapena

- Laguntza jaso zuenetik ikerkuntzan hobetzeko egindako jardueren txostena (gehienez 3. or.); Ingelesean idatzitako txostenak onartuko dira.
- Eskatzaileak egindako ikerketa- eta prestakuntza-jarduerari buruzko aldeko txostena, proiektuaren zuzendariak sinatua.
- Ezarpen-zentroaren konpromisoa, bertako legezko ordezkariak sinatua (Ikerketako errektoreordeak, unibertsitateen kasuan), lehendik dagoen lan-kontratua beste bi urtez luzatzeko.
- Ikerketa-hobekuntzarako programaren eguneratze-memoria (gehienez 2 orrialde), eskatzaileak 2027n eta 2028an egin beharreko jardura guztiak bilduko dituena. Memoriak ezarpen-zentroko ikertzaileekin eta, hala badagokio, EAEko beste ikerketa-zentro batzuetakoekin eta atzerriko zentrokoekin lankidetzan jarduteko modua adierazi behar du.

Halaber, aurreko deialdietako onuradunak, bigarren edo hirugarren urtean badaude, aprobetxamendu-txosten bat aurkeztu beharko dute 9.4.e) oinarrian ezarritakoaren arabera.

13. Non aurki ditzaket erabili beharreko txantiloiak?

Eskaera aplikazioan altan eman ondoren sar daiteke txantiloietara, dokumentazioa aurkeztean. Txantiloia behar bada, dokumentua aurkeztu beharreko tokiaren ondoan txantiloia egongo da.

14. Zein epe daukat eskabidea aurkezteko?

Eskabide berriak eta berritzeak aurkezteko epea, 2026ko ekainaren 19an irekiko da, 00:00etan (Agindua EHAAan argitaratu eta hurrengo egunean) eta 2026ko uztailaren 20an itxiko da, 23:59etan.

15. Aurkeztutako dokumentazioaren zuzenketak

Eskabidea behar bezala beteta ez badago, interesdunari eskatuko zaio hamar egun balioduneko epean eskabideko edo eskatutako dokumentuekin lotutako akatsak zuzentzeko; epe hori luzaezina izango da. Interesdunak, zuzenketa eskaeran, aurkeztutako dokumentazioa aurkezten ez badu edo akatsa zuzentzen ez badu, eskaerarekin aurrera egin nahi ez duela ulertuko da.

Zuzentzeko errekerimendua, zuzendu beharreko eskabideen zerrenda, egoitza elektronikoen [iragarki-taulan](https://www.euskadi.eus/iragarki-taulan) argitaratuta jakinaraziko da. Halaber, jakinarazpen elektronikoa bidaliko zaizu Euskal Autonomia Erkidegoko Administrazio Publikoaren egoitza elektronikoen «Nire karpeta» atalera: <https://www.euskadi.eus/nire-karpeta/web01-sede/eu/>, ziurtagiri elektronikoa erabilia sartu beharko zara bertara.

16. Elkarrizketa pertsonalak

Eskabideak zuzentzeko epea igaro eta aurkeztutako dokumentazioa aztertu ondoren, Zientzia eta Berrikuntzako sailburuordeak hautaketa-prozesuan onartutako eta baztertutako pertsonen hasierako ebazpena emango du. Ebazpen horretan elkarrizketa pertsonalak noiz egingo diren adieraziko da; elkarrizketa horiek arlo bakoitzeko aholku-batzorde espezifikokoak gidatu eta baloratuko ditu. Ebazpen hori egoitza elektronikoko iragarki-taulan argitaratuta jakinaraziko da (<https://www.euskadi.eus/iragarki-taula-elektronikoa/>). Halaber, jakinarazpen elektronikoa bidaliko zaizu Euskal Autonomia Erkidegoko Administrazio Publikoaren egoitza elektronikoko «Nire karpeta» atalera: <https://www.euskadi.eus/nire-karpeta/web01-sede/eu/>, ziurtagiri elektronikoa erabilia sartu beharko zara bertara.

17. Esleipenak

Emandako laguntzen ebazpena egoitza elektronikoen iragarki-taulan argitaratuta jakinaraziko da (<https://www.euskadi.eus/iragarki-taula-elektronikoa/>). Halaber, jakinarazpen elektronikoa bidaliko zaizu Euskal Autonomia Erkidegoko Administrazio Publikoaren egoitza elektronikoko «Nire karpeta» atalera: <https://www.euskadi.eus/nire-karpeta/web01-sede/eu/>, ziurtagiri elektronikoa erabilia sartu beharko zara bertara.